

欽定四庫全書

普濟方卷三百九

明 周王朱橚 撰

折傷門

總論

夫諸脈從肉諸筋從骨骨三百六十有五聯續纏固手所以能攝足所以能步凡厥運動罔不順從若乃倉卒之際墜墮倒仆折傷蹉跌患生不測詎可殫舉究圖療治小則消腫而舒攣大則接筋而續骨各有方劑存焉

欽定四庫全書

普濟方

凡從高墜下傷損腫痛凡墜墮傷損腫痛輕者在外塗傅可已重者在內當導瘀血養肌血宜察淺深以治之若傷損惡血不散脈者血之腑血行脈中貫於肉理環周一身因其肌體外固經隧內通乃能流注不失其常若因傷折內動經絡血行之道不得宣通瘀積不散則為腫為痛治宜除去惡瘀使氣血流通則可復完也傷折腹中瘀血者因高墜下倒仆擗撲氣血離經不得流散瘀在腹中速宜下之遲則日漸瘀滯使人枯燥色不



潤澤痿痺血癢之病骨節損折肘臂腰膝出白蹉跌須  
用法整頓歸元先用服麻藥使不知痛然後可用手  
凡脚手各有六出白四折骨手有六處出白四折骨手  
脚亦三處出白手掌根出白其互交骨相鎖或出白則  
是剉出鎖骨之外須是搦骨相鎖骨不歸窠或出外則  
須搦入內或出內則須搦入外方歸窠白若只用手拽  
斷難入窠十有八九成痼疾也手六出白四折骨手臂  
出白此骨上段是白下段是杵四邊筋脈鎖定或出白

欽定四庫全書

普濟方

亦剉損筋所以出白此骨須拽手直一人拽須用手把  
定此間骨搦教歸窠看骨出那邊用竹一片夾定一邊  
不用夾須在屈直出夾才服藥後不可放定或時又用  
拽屈拽直此處筋多喫藥後若不屈直則恐成疾日後  
曲直不得肩胛上出白只是手骨出白歸下身骨出白  
歸上或出左或出右須用杵一枚小凳一箇令患者  
立凳上用杵撐在下出白之處或低用物墊起杵長則  
墊凳起令一人把住手尾拽去一人把住杵令一人



抱住患人放身從上坐落骨節已歸窠矣神効若不用  
小凳則用兩小梯相對木棒穿從兩梯股中過用手把  
定木棒正稜在出白腋下骨節蹉跌之處放身從上墜  
下骨節自然歸白矣脚六出白四折骨或脚拔上交  
處出白用一人拽去自然手摸其骨節或骨突出在內  
用手止從此骨頭拽歸外或骨突向外須用力拽歸內  
則歸窠若只拽不用手整入窠內誤人成疾 脚大腿  
根出白此處身上骨是白脚根是杵或出前或出後須

欽定四庫全書

普濟方

用一人手把住患人身一人拽脚用手盡力搦歸窠或  
是剉開又可用軟綿繩從脚倒吊起用手整骨節從上  
墜下身直其骨便自歸窠背脊骨折法凡剉脊骨不可  
用手整頓須用軟繩從脚吊起墜下身直其骨便自歸  
窠未直則歸窠須要墜下待其骨直歸窠然後用大桑  
皮一片放在背皮上杉皮兩三片安在桑皮上用軟物  
纏夾定莫令屈用藥治之脚手骨被壓碎者須麻藥與  
服或用刀割開甚者用剪去骨鋒便不衝破肉或有粉



碎骨者與去細骨免見膿血之禍然後用大片桑白皮以二十五味藥和調糊藥糊在桑白皮上莫令差錯三日一洗莫令臭穢用藥治之又切不可輕易自恃有藥便割剪便弄須要詳細審視當行則行尤宜仔細或頭上有傷或打破或刀傷骨碎用藥糊角縛不使傷風切須記之用藥治傷則用糊藥封角切須不可使風入乳腫其血自消散不攻瘡口 正骨金瘡須看脈候始知傷痛臟腑致命處一觀其脈虛促危矣傷處淺命脈虛

欽定四庫全書

普濟方

促亦為後慮傷至重命脈和緩永無慮也脈有虛實有去來有疎密或被傷臟脈不死者必關脈實重則勿慮或傷至死處其關脈無別脈洪大則難醫如用兩件藥後脈不轉動急急住藥若脈漸漸隨藥轉此則可治無慮或出血甚者脈不要洪大只要平正重實其血不曾出者亦無惡血在內者其脈洪大不要疎密亦不進退來去恐其變凶看傷脈每與內科脈不同或傷內或致命或難醫處被傷者命脈便已去矣此等切勿治之



擷撲傷損或被傷入肺者縱未即死二七難過左脇下  
傷透內者腸傷斷一半可醫全不可治小腹下傷內者  
證候繁多者脈不實重者老人左股壓碎者傷碎破陰  
子者血出盡者肩內耳後傷透於內者皆不必用藥  
打擷及樹木壓徧身痛者打擷樹木壓或自高處擷下  
者此等傷皆驚四肢五臟必有惡血在內專怕惡心先  
用清心藥打血藥及通大小腸藥次第先服臨服童子  
小便入藥內立效專用大小腸泄利恐隘塞利害之甚  
清心藥加前方通利大小腸藥服自然俱通無悶煩無  
惡血害心以次用止痛藥服之即止

欽定四庫全書

普濟方

接骨

附論

夫正骨續筋方法備急非虞斷筋折骨之疼啗訛閃肭  
裨止相當覆塗之藥綿纏水溫淨息永通玄府開舒汗  
隙藥歸腫散痛消血脈旋流布週榮衛省身愛力以時  
中養氣痊平餘月而已

接骨手法



下頰骨脫落法

令人低坐用一手帕裹兩大拇指插於病人口裏內  
外捏定大斗根往左布上下搖動令病人嚙唾一口  
往下送之入白腮外用膏藥貼之再用一手帕往上  
兜之內服沒藥乳香散痛者黃耆散忌硬物十數日  
缺盆骨損折法

令病者正坐提起患人臍膊用手揣捏骨平正用乳  
香消毒散敷貼以軟絹掩如拳大兜於腋下上用一

欽定四庫全書

普濟方

薄板子長寸濶過半軟紙包裹按定止用鷹爪長帶  
子拴縛定七日換藥內服烏金散定痛疼腫破消後  
次伸舒起指以後骨可如舊

肩胛骨脫落法

令患人服烏頭散麻之仰臥地左肩脫落者用左腳  
登定右肩落者右腳登用軟絹如拳大抵於腋窩內  
用人腳登定挈病人手腕近肋用力倒身扯拽可再  
用手按其肩上用力往下推之如骨入白用軟綿捲



如拳大甕於腋下用消毒散敷貼內服降聖丹痛者  
黃耆散三日一換藥定痛腫消換膏藥貼之常以伸  
舒起指演習如舊

臂膊骨傷折法

令患人正坐用手挈患人臑膊伸舒揣捏平正用消  
毒散敷貼外用薄板片紙裹之絹縛定內服接骨烏  
金散痛者乳香黃耆散二七日定可換藥依前扎縛  
痊可為妙

欽定四庫全書

普濟方

臑膊骨傷折法

令患人正坐用手按捏止依前法用藥扎縛凡病人  
手面於仰看可為妙

肋肢骨折損法

令患人服烏頭散麻之次用手按捏骨平正用乳香  
消毒散數貼服之導滯散并復元活血湯下之以利  
為度再用接骨烏金散降聖丹調治後用膏藥貼之  
以後骨可如舊



胯骨脫落法

令病人服烏頭散麻之仰卧倒看比兩腿膝蓋高者  
磋在下也一手挈定脚腕右蹉在下往左動搖送之  
若蹉在上往下伸舒扯拽如骨入臼再用比雙脚根  
齊用走馬散貼內服降聖丹沒藥乳香散如疼定腫  
消用膏藥貼之後次演習行步

腿脛傷折法

令病人仰臥倒比根齊恐胯骨出白用手挈病人膝

欽定四庫全書

普濟方

下一手挈脚腕伸舒扯拽脚根對齊如骨折處再用  
手按捏骨平正用消毒散敷貼外用長板子紙包裹  
絹帶子扎縛裏外用磚靠定勿令腿搖動脚頭抵正  
二七日方可換藥時輕手解開用葱椒湯軟絹搵洗  
再敷藥用銅匙柄穿帶子勿令腿動以後伸舒演習  
行步

膝曲蓋損破骨法

令病人正坐用一竹篾圈比膝蓋大小上用軟紙纏



圈如皮破者用玉真散敷貼破處并敷貼藥用紙篋  
圈絹帶子縛定內服烏金散黃耆散如不破者五七  
日一換如破者待瘡口成膿香油潤起用葱椒湯洗  
軟絹搵洗再用敷貼藥定疼痛腫消常以演習行步  
方得完全

廉肋骨傷折法

令病人正坐一手拏病人膝下一手拏手腕用力伸  
舒扯拽捏骨平正如皮破者玉真散貼之上用敷貼

欽定四庫全書

普濟方

藥外用薄片紙包裹絹子扎縛過三五日待瘡口成  
膿香油潤起用葱椒湯搵洗上用生肌散并太乙膏  
貼之後扎縛留瘡口恐有膿血出內服烏金散加味  
通聖膝下軟衣芫之如太破者二七日一換藥用磚  
裏外靠定勿令腿動痊可為妙

破傷骨折法

如破傷折骨服烏頭散麻之如骨折簽出皮者用銅  
匙柄挑起皮皮披如舊用玉真散敷貼如骨折低者



往上擡之如骨折高者往下按之揣捏骨平正用油  
搽皮膚或蜜亦可用敷藥乾糝搥洗用生肌散并太  
乙膏貼之初服導滯散下之後服止痛祛風藥方并  
接骨藥托裏散調治如皮破骨折者髓血相混成膿  
接不正以後次演習行步終不得定完成全

脚腕蹉跌出白法

令病人正坐倒一手挈病人脚腕一手挈脚大扯拽  
搖動按捏骨入白平正用走馬散敷貼外用長片板

欽定四庫全書

普濟方

子絹帶縛於脚腕并小腿上恐脚不正用軟衣篋之  
內服降聖丹乳香散以後行步演習痊可為妙

用麻藥法

凡擷撲損傷骨肉疼痛整頓不得先用麻藥服待其不  
知痛處方可下手或服後麻不倒可服蔓陀羅花及草  
烏五錢用好酒調些少與服若其人如醉即不可加藥  
被傷有老有幼有無力有血出甚者此藥逐時相度入  
用不可過多亦有重者若已見麻不倒者又旋添些更



未倒又添酒調服少許已倒便住藥切不可過多  
去惡血法

凡擗撲刀傷石傷諸般傷損至重者皆先服清心藥次服清小便藥三服去血藥被傷者血未結打從瘡口出或結在內用藥打入大腸時即泄出或被打破擗破木壓惡血未積者用藥打散四肢或歸臟腑者或歸上膈者打從口中吐出或歸中膈打入大腸泄出先用此急救次服止痛藥即二十五味藥中加減用

欽定四庫全書

普濟方

用藥加減法

凡傷有淺深隨其吉凶用藥如折骨者則用後二十五味接骨方治之再加自然銅白芷乳香沒藥川芎各五錢立效若傷臟腑用清心藥加川芎當歸赤芍藥各二錢或肚腸傷破加白芷五錢同後清心藥服或被傷浮腫不通加皂角黃栢皮半兩入紫金皮散內傅之或頭破傷風亦用紫金皮散加皂角黃栢皮傅之立退或筋斷接骨者用二十五味加續斷半兩或諸處傷痛不止



者仍用二十五味加川芎五錢或惡血汚心不下用後  
清心藥加大黃枳殼五錢或氣觸痛加木通丁香藿香  
三錢同二十五味服之凡加減末者加末散者加散其  
餘只依本方不用加減孕婦擷撲傷損先用安胎藥後  
用二十五味接骨去草烏川芎餘依本方

又用藥加減方

凡損若不折骨不碎骨則不可用自然銅於藥內除去  
無痰涎不用半夏老人有傷者骨脈冷每加當歸川芎

欽定四庫全書

普濟方

川烏木香丁香人參五錢去白芍藥生地黃此亦二十  
五味內加減老人服此或傷臟腑者不問老少如有血  
并痰從口中出者清心藥加丁皮川芎半夏入二十五  
味內同服腿腫角血或皮冷加乾薑五錢入退腫藥內  
糊腫上腫及血自然退散或皮膚熱者加黃蘗皮皂角  
五錢入腫藥內角處自然退

用藥湯使法

凡藥皆憑湯使所使方先但用清心藥煎後用童便一



蓋同服或止痛重傷者則用薑湯燈心湯調二十五味藥服之薄荷湯亦可凡傷或刀傷及損內臟腑恐作煩惱悶崩血之患如折骨者用薑湯酒服接藥傅之如骨碎破重打重擗重木石壓者皆用先服湯使法末並用酒服如輕擗撲損傷則用薑酒調下二十五味藥立効凡碎進頸骨用手巾一條繩一莖繫在坊上垂下來以手巾兜縛額下於後腦穀縛接繩頭却以瓦罌一箇五六寸高看碎摔入淺深斟酌高低令患人端正坐於其罌上令伸脚坐定醫用手揉擦平正說話不覺猝然以脚一踢踢去罌子如在左用手左邊撥出在右右邊撥出又一法令患人卧牀上以人捺其頭雙足踏兩肩即出

凡左右兩肩或擗墜失落若腦骨又出在前可用布袋腕繫在前如出在後腕繫手在背後若在摺向右腕右出左腕骨即入接左摸右髻接右摸左髻

凡背上被打傷處帶黑單調肉桂末貼熱腫用一黃散

欽定四庫全書

普濟方



血不出內疼痛者乳香沒藥酒調一黃散貼却不破血藥

凡手脛腕骨痕搦直拽出藥用手擡起手脛腕以患人手本身膝頭墊定醫用手於頸項肩處按下其骨還白用藥敷貼若手腕失落或在上在下用手拽身伸却便手撚住方可貼藥夾縛若手脛骨出用大椅橫番向上醫用足踏定將病手在橫椅校曲入腕內以文書貼定平穩用絹兜縛兜時要手向上若手盤出白不可牽伸

欽定四庫全書

普濟方

用衣服向下承住用手搏按入白搖三次脚用夾縛下用襯夾凡手骨出向右則醫以右手拔入骨出向左則左拔之一伸一折搖動二三次凡手與脚骨皆有兩筋前一筋斷可治若皆斷不可治凡手足骨斷者中間一坐縛可帶繫兩頭放寬些庶氣血流蔭又法腫若如截竹斷却要兩頭繫中間帶寬便益血氣聚斷處又手盤出向下將掌向上醫用手搏損動處將掌曲向外用夾向背一片長托在手背後向西面一片短在掌按處向



小指一片長在指曲處向大指一片短在高骨下三度  
縛去却貼藥凡兩手臂骨打斷有碎骨跌斷骨無碎骨  
凡手指打碎用油潤以薄箏籜管定看冷熱用一黃散  
或黑龍散貼之凡脊骨損斷先用門扇一片於斜一頭  
令患人覆睡以手捍上下用三人拽伸醫以手按損處  
三時久却用貼藥病人渾身動作一宿至來日患處無  
痛却可自便左右番轉仍用通貼藥若前後不便聽其  
施溺更用內外住痛神授乳香散在後

欽定四庫全書

普濟方

凡臂<sub>□</sub>左右跌出骨者右入左左入右用脚踏進如跌  
入內令患人盤脚按其肩頭用膝旅入雖大痛一時無  
妨却用貼藥從緩仰卧用手捺襯再加貼藥喫藥未可  
番卧大動後恐成損腰腿傷全用酒佐通氣血藥凡胯  
骨從臂上出者用三二人捉定腿拔伸仍以擦送入如  
在襠內出者則難整凡脚骨傷甚難整  
凡兩腿左右或打或跌者多用葱打斷者不用薑葱以  
手法整其骨左上於前右於後以手拽正七分不拽五



分整定用貼藥後以松皮夾縛縛時先縛中坐後縛上  
下外用副夾竹繩若上下有腫痛無慮五日方可解外  
縛約一七方可轉動解外縛未可換藥仍渾用消服藥  
凡辨腿胯骨出以患人比並之如不粘膝便是出向內  
如粘膝不能開便是出身

凡脚盤出白用人以脚從腿上踏一搬雙手一擗搖二  
三次以藥夾凡膝蓋或左右損斷用手按直用貼藥夾  
一月若腫痛須用針刀去血却敷貼用夾或外脛踝骨

欽定四庫全書

普濟方

凡折左右脚盤用脚踏直或針患處却敷貼喫住痛藥  
不得令冷若膝骨跌出白牽合不可大曲直則不見其  
骨積曲亦然可半直半曲以竹籬住以帛縛之

凡曾前跌出骨不得入令患人靠實處立用兩腿踏患  
人兩脚却以手於其肩掬起其胸脯其骨自入用藥封  
縛亦在隨機應變凡胸脯有拳槌傷外有腫內有痛外  
用貼藥內服化血藥如刀傷可用刀安骨定皮合口外  
用貼藥糝口內用喫藥



凡曾骨肋斷先用破血却用黃雲膏貼胸脅傷血作不  
通用生菘豆汁生薑自然汁和服以一壯力在後擠住  
自吐出其血也凡腸出可以病手搭在醫肩背隨其左  
右起以熱油潤瘡口整入腸打噴嚏一箇却用桑白  
皮為線打曲針向皮內縫合後內用斷血合口藥固濟  
用絹袋縛定再貼絹上再縛若秋冬間有此證先用斷  
血合口後用狗子一隻割取狗口皮貼瘡口割候封藥  
聯口用若腹上有損針鼻大以燈火照之腸中有氣射  
欽定四庫全書  
普濟方

燈證不可治

又法腸出弔起病人手用醋煎山豆根汁服一口至二  
口却以針於病人頸上一刺腸自入凡腸上必有熱黑  
紫斑及有曲縫痕者以腸也如有膏一重黃一重肉  
更用胰子肉出也腸若出不割如實是膏不得入可割  
除須詳辨認凡拔伸捺上紙布絹軟物單正仍拔伸當  
近在骨損傷不得前去一節骨上仍拔伸相度左右骨  
有正拔者有斜拔者樽捺在手便法快要皮骨相就正



平整拔要相度難易或用一人二人已上彭氏口教骨者可用肥株去皮弦子膜以童便煮生薑一味打爛入飛羅麪加入前獨活八味打和用紙布絹片却用前正副夾須仔細整頓其骨緊縛後看上下腫痛消者方可換藥仍服住痛藥且貼了此肥株一番便如鐵鉗牢者宜斟酌日子看有無動作方可換藥  
凡斷筋骨者先用手尋採傷處整頓其筋如前方貼藥及藥用正副夾正用杉皮副用竹片

欽定四庫全書

普濟方

凡骨斷皮破者不用良薑肉桂止用葱汁調貼或損在內可用童便薑葱生油和通藥服如通以過只用順血上氣藥餘血在腹作脹更進前藥無事一方用損藥仍看病人虛實若斷骨皮不破整其骨先用貼藥加良薑肉桂在貼藥內以葱汁調塗

凡皮破骨差出爻拔伸不入擗捺皮相近三分用快副刀割開此捺入骨不須割肉內自碎了以可入骨骨入用黑龍散傅貼瘡四旁腫處留瘡口用風流散填之若



不破用黑龍散敷貼之用風流破者用血出用力整時  
最要快便

凡骨碎看本處平正如何大抵骨低是不曾損左右骨  
高骨定損要拔伸捺平用藥敷貼束縛要平正捺了曲  
處時時曲轉便活處不强

凡敷貼用板子一片就板子上將皮紙或油單紙攤黑  
龍散在上移在損處皮肉有碎骨後來皮肉自爛碎骨  
自生若破斷皮肉用風流散填塗用線縫合用黑龍散

欽定四庫全書

普濟方

敷貼

凡腦骨傷碎輕輕用手搏捺平正若皮不破用黑龍散  
敷貼皮若破用風流散填塗瘡口用絹帛包不可見風  
著水恐成破傷風如水及風入腦成破傷風必發頭疼  
則難治急用玉真散貼服

凡腦骨傷碎在硬處可治若傷太陽穴不可治如在髮  
際須剃去髮用藥內入看皮破不破依上用藥服或填  
若欲洗只可用熟油洗髓出多用腦麝末掩



九腦及兩角後摺或兩眉有傷可治眼睛傷不突瞳人不碎可治頭頂心有損傷難治

搓袞舒筋法道人詹志水者信州人初應募為卒隸鎮江馬軍二十二歲因習驍騎墜馬右脛折為三困頓欲絕軍帥命昇歸營醫救鑿出敗骨半年稍愈扶杖緩行骨空處皆生獨脚生筋攣縮不能伸既落軍籍淪於乞丐經三年遇朱道亦舊在轅門問曰汝傷未復初何不醫救對曰窮無一文豈能辦此朱曰正不費錢但得大

欽定四庫全書

普濟方

竹管長尺許鑽一竅繫以繩掛于腰間每坐則置地上逢足搓袞之勿計工程以當有效詹用其說兩日便覺骨髓寬暢試猛伸足與日差遠不越兩月病筋悉舒與墜時等又頃見丁子章以病足卒故作轉軸脚踏用之其理正同不若此為簡便無力者立可辦也

方

紫金丹 治打傷損骨折

川烏 炮 草烏 炮各一兩 五靈脂 木鼈子 去殼 骨



碎補 威靈仙 金毛狗脊 自然銅 <small>七醋</small> 防 風 <small>分各五</small> 地龍 <small>去土</small> 烏藥 青皮 <small>去穢</small> 陳皮 <small>去白</small>	茴香 <small>錢各半</small> 乳香 沒藥 紅娘子 麝香	黑牽牛 <small>錢各半</small> 餘糧石 <small>炒微</small>	右為細末醋麪糊丸梧桐子大每服十九至二十九 溫酒送下病在上食後服病在下食前服	接骨丹	乳香 沒藥 川椒 半兩錢 <small>五文醋</small> 白芷	欽定四庫全書 普濟方	馬蔞花 川烏 自然銅 <small>七醋</small> 白膠香 廣木	香 當歸 赤芍藥 草烏 蜜陀僧 川芎	紅豆	右除半兩錢外其餘藥各二兩半為細末合勻用好 酒打麪糊丸如彈子大每服作一百丸搗碎好酒化 開喫了再喫酒數盃須令護病如患傷處良以藥性 行病人驚勿令轉動其骨響時是自正矣此藥有力 打撲跌折腿食後服在下食前服如不折者服半丸
---	------------------------------------	--	--	-----	------------------------------------	---------------	-------------------------------------	--------------------	----	--



甜瓜子 自然銅 糯米 白芷 血餘 <small>灰</small> 赤		百合 白斂 白芨 乳香 沒藥 赤小豆		接骨神効方 服五七丸温酒下		右為末醋糊丸如梧桐子大或菘豆大朱砂為衣每		錢四 血竭 <small>兩半</small> 骨碎補 <small>錢七</small> 水蛭 <small>去四錢</small> 地龍 <small>錢四</small>		乳香 川烏 草烏 龍骨 虎骨 <small>各兩</small> 全蝎		降真香 蘇木 <small>各兩</small> 自然銅 <small>半兩</small> 沒藥 <small>錢七</small>		欽定四庫全書 普濟方		接骨火龍丹 治一切打撲傷損骨碎筋痛腫脹者		木板夾定損處		右為末米粉并黃子醋熬成膏子敷貼痛處外用杉		加 川烏		木 草烏 <small>生</small> 接骨草 續斷 烏藥 沒藥 <small>隨</small>		當歸 赤小豆 骨碎補 <small>去毛</small> 荆芥 蘇木 蒼		自然銅 <small>了火煨黃</small> 生地黄 木鼈子 <small>去殼并</small> 川		敷貼藥	
-------------------------------------	--	--------------------	--	------------------	--	----------------------	--	--	--	-------------------------------------	--	---	--	------------	--	----------------------	--	--------	--	----------------------	--	------	--	---	--	--------------------------------------	--	--	--	-----	--



<p>芍藥 <small>各一兩</small> 川烏 草烏 <small>各五錢</small></p>	<p>右為細末好酒調一錢服後骨折處聽之有聲不過三服止</p>	<p>草烏散 <small>一名麻藥方出危氏方</small> 凡傷損骨節不歸白者此藥服</p>	<p>之麻不知痛然後用手整骨</p>	<p>豬牙皂角 木鼈子 紫金皮 白芷 半夏</p>	<p>烏藥 川芎 杜當歸 川烏 <small>各五錢</small> 舶上茴香</p>	<p>坐挈 <small>酒煎熱</small> 草烏 <small>各一兩</small> 木香 <small>三錢</small></p>	<p>欽定四庫全書 普濟方</p>	<p>右並無煨製為末每服二錢好紅酒調下若傷重刺痛手近不得者更加坐挈薑蔓陀羅花各五錢入藥即倒不知痛處然後或用刀割或用剪以去骨鋒用手整頓骨節歸元端正用夾夾定任從醫治其或箭入骨不能得出亦可用此麻之任從用鉗拽或鑿開取出後用鹽湯水與服立醒</p>	<p>金絲接骨丹</p>	<p>水蛭 <small>炒去烟盡</small> 自然銅 <small>燒細醋淬七次</small> 當歸 <small>去蘆</small> 沒藥</p>
---	--------------------------------	--	--------------------	---------------------------	---	---	-------------------	--	--------------	---



<p>無名異 南乳香 已上各  <small>頭首男髮 三錢</small>                  透羅綿 燒灰 三錢                  血餘</p>	<p>半兩錢 <small>五文燒紅 醋淬七次</small>                  蒼朮 九錢 <small>去皮</small>                  五靈脂 九錢                  草烏頭 九錢</p>	<p>右為細末醋糊為丸如小彈子大每服一丸温酒化                  開再用温酒一大盞按之疼痛立止自然接上大有                  神効如合藥時綿裹藥磁器內盛於藥乾時搥碎一                  丸温酒化下後再用温酒投之</p>	<p>接骨神應丹</p>	<p>欽定四庫全書 普濟方</p>	<p>水蛭 瓦上焙 一錢                  沒藥 一錢                  乳香 一錢                  木鼈子 去油 一錢</p>	<p>藿香 一錢                  木香 一錢                  附子 炮二錢                  半兩錢 三文</p>	<p>醋淬 七次 草烏 半錢                  綿子灰 二錢                  自然銅 二錢 <small>醋淬</small></p>	<p>孩兒胎頭髮 一筒</p>	<p>右為細末每服二錢温酒調服隨病上下服効</p>	<p>接骨丹 出濟生 援萃方</p>	<p>金半兩錢 一文燒紅醋淬                  木當歸 藿香葉 各一</p>	<p>錢 血竭 一錢                  水蛭 三錢 <small>同糯米炒紫色為度</small>                  綿 二錢 <small>燒灰</small>                  大</p>
---	--	---	--------------	-------------------	---	---	--	-----------------	---------------------------	--------------------	--	--



<p>虎骨 <small>一錢 酥炙</small>                  木香乳                  麝香                  沒藥 <small>各一錢</small>                  血餘</p>	<p><small>二錢 微焦即孩兒胎頭髮也</small></p>	<p>右為細末另裹若損折甚者每服三錢輕者每服二錢半如無損折除蛭錢服藥時令病人先飲好酒三五盞服後更飲三二盞次用紙裹以繩穿板子縛之</p>	<p>當歸丸 <small>出百一選方</small> 接骨定痛</p>	<p>當歸 赤芍藥 川椒 <small>去目及閉口者</small> 敗龜殼 千金</p>	<p>藤 骨碎補 川芎 <small>並生用</small> 乳香 <small>別研</small> 虎骨 <small>慢火炮黃</small></p>	<p>欽定四庫全書 普濟方</p>	<p>沒藥 <small>研</small> 自然銅 <small>火煨通紅醋淬三次</small></p>	<p>右等分為細末煉好黃蠟丸如彈子大每服一九筋傷骨折用無灰酒半升入藥以東南柳枝攪勻同煎三五次空心熱服五十歲已上不過十服旬日如舊五十已下不過五服秘方</p>	<p>接骨膏 治癩折手足兼治疼痛</p>	<p>官桂 沒藥 乾薑 龍骨 <small>已上各一兩</small> 白芷 川</p>	<p>山甲 <small>已上各二錢</small> 乳香 接骨草 <small>不拘多少</small> 酒 <small>二碗</small> 肥</p>
--	------------------------------------	---	--------------------------------------	---	--	-------------------	--	---	----------------------	--	---



<p>角 <small>七十二箇搗碎取汁五碗</small> 醋 <small>二碗</small></p>	<p>右除沒藥乳香另研為細末外餘藥同為末將醋肥</p>	<p>角同煮文武火煎三遍文武火謂候滾去火少停再</p>	<p>燃候心滾又去火如是三遍方下衆藥或應掩貼患</p>	<p>處如燥則用薑汁和酒掀起膏爛內再貼再潤膏外</p>	<p>自然銅散 <small>出醫方大成</small> 治打撲折骨損斷</p>	<p>乳香 沒藥 蘇木 降真香 川烏 <small>去皮尖</small> 松</p>	<p>明節 <small>各一兩</small> 地龍 <small>去土青油炒半兩</small> 真血竭 <small>三錢</small> 龍骨</p>	<p>欽定四庫全書 普濟方</p>	<p><small>生用</small> 自然銅 <small>火煨米醋淬一兩</small> 土狗 <small>十枚油浸焙為末本草名蝮蝮</small></p>	<p>右為末每服五錢用無灰酒調下如病在上食後服</p>	<p>病在下空心服服之覺藥自頂心尋病至下兩手再</p>	<p>週遍身下兩足遇病處則颯颯有聲患人自覺藥力</p>	<p>習習往來其家重誓不許傳授後以說死報恩遂廣</p>	<p>好生之心博傳累試無不神効一方加水蛭半兩油</p>	<p>炒</p>	<p>接骨丹 <small>出德生堂</small> 接骨不問骨節疼痛</p>
--	-----------------------------	-----------------------------	-----------------------------	-----------------------------	--	---	---	-------------------	--	-----------------------------	-----------------------------	-----------------------------	-----------------------------	-----------------------------	----------	---



<p>當歸<small>酒浸</small> 黃耆 赤芍藥 牛膝 肉桂 白芷</p> <p>各一兩半 紫金皮<small>四兩童子小便浸</small> 川烏<small>一兩炮淨</small> 乳香</p>	<p>沒藥<small>各半兩別研三錢醋淬</small></p>	<p>右為細末酒糊為丸如桐子大每服二十五丸量虛實加減酒下病上食後服病下空心服</p>	<p>接骨忘拐丸 定痛如神</p>	<p>乳香<small>研</small> 沒藥<small>研</small> 虎脛骨<small>醋炙</small> 當歸 川烏</p>	<p>去目 川芎<small>極大者</small> 敗龜殼<small>酒蘸炙</small> 赤芍藥 雀李</p>	<p>欽定四庫全書 普濟方</p>	<p>根取皮 自然銅<small>醋淬</small></p>	<p>右各三錢為細末鎔黃蠟約度多少丸如彈子大每服一丸用好酒一盞銀石器煎以東南柳枝攪散熱服骨碎者服一丸些小閃朒服半丸</p>	<p>接骨丹</p>	<p>何首烏<small>半劬</small> 大附子<small>一箇炮去皮臍</small> 乳香 沒藥 木</p>	<p>香 當歸<small>焙各三兩</small> 甘草<small>三兩一半生炒</small> 五靈脂<small>五兩</small></p>	<p>自然銅<small>二兩醋淬</small> 川烏頭<small>五箇熟二箇</small></p>
---	-----------------------------------	--	-------------------	---	---	-------------------	---------------------------------	---	------------	--	---	---



<p>右用好黃蠟四兩鎔開前藥末和丸每觔作十六丸                  每一丸溫酒下</p>	<p>整骨定痛散</p>	<p>天花粉 一觔 炒                  甘草 二兩 炒                  沒藥                  木香 一兩                  當</p>	<p>歸 一兩                  乳香 一兩                  陳皮 二兩                  血竭 一兩</p>	<p>大附子 一箇 炮                  去皮臍</p>	<p>右為細末每服五錢熱酒調服敷貼亦可</p>	<p>接骨沒藥散 治打撲傷損疼痛折骨碎者</p>	<p>欽定四庫全書                  普濟方</p>	<p>川獨活 川牛膝 酒浸                  川續斷 杜仲 草薺</p>	<p>防風 去蘆                  甘草 各等分                  乳香 沒藥 各半兩                  另碾</p>	<p>右為末每服三錢溫酒調下</p>	<p>沒藥散 治傷折筋骨痛</p>	<p>沒藥 研                  虎骨 酒浸                  當歸 切                  白芷                  敗龜 酒炙</p>	<p>各半                  補骨脂                  自然銅 火燒七次                  麒麟竭 研各</p>	<p>炭 內實者火燒一次                  酒淬取二分</p>	<p>右為細末每服一錢溫酒調下不計時</p>
---	--------------	--	--	--	-------------------------	--------------------------	--	--	---	--------------------	-------------------	---	--	---	------------------------



內托散	當歸 <small>兩半</small> 熟地黄 <small>并酒浸</small> 木鼈子 川芎 草烏
芍藥 細辛 <small>各一兩</small> 自然銅 <small>火煨醋淬為末二錢</small>	右為末酒煮糊為丸如彈子大每服三十九丸温酒下
無時一半末木瓜酒調下	敗龜散 治折傷定痛接骨
敗龜 <small>醋炙去蒂重一兩</small> 沒藥 <small>研</small> 桂皮 <small>去麤</small> 自然銅 <small>醋煨</small>	骨碎補 <small>去皮炒</small> 白芷 防風 <small>去叉</small>
欽定四庫全書 普濟方	右為散每服二錢温酒調下不拘時日二
米殼散 米殼 <small>三錢</small> 當歸 乳香 沒藥 血竭 甘草	川芎 <small>已上一錢半</small> 半兩 <small>火燒七次醋淬一箇</small>
右為粗末每服三錢用好酒一大盞煎至七分去滓	温服
接骨散 并治惡瘡	



子約纏一遭先攤小黃米粥勻上撒末勻纏定折處	半兩如疼入乳香少許和藥如茶褐色為度用布條	藥同在上燒存性研為末如生再燒研更加五靈脂	右取肥松節劈碎約量多少先放三兩根新瓦上以	陳爛麻根 <small>把兩</small> 羊耳朶 <small>對一</small> 亂絲 <small>一握多者更妙</small>	接骨藥	又外用後藥貼一方無沒藥	滓溫服之立即定疼如不折立止疼痛以食前後藥	用接骨散五分加馬兜鈴末五分酒一大盞熱調連	腫處痛立止天明一宿自破如打折骨頭并損傷可	前藥接骨散半錢用銀釵子打成膏以雞翎掃在瘡	藥末少許油少半匙同研勻再入少半匙再勻又入	右為細末以津調半錢塗患處止痛如出膿先用粗	銅 <small>半兩燒紅醋淬</small> 乳香 <small>一錢研為細末用之</small>	金絲水蛭 <small>半錢每箇三截瓦上去氣透為度</small> 沒藥 <small>三錢研細</small> 銅錢	用半兩者取三文或五文燒紅醋淬細末	金頭蜈蚣 <small>一箇</small> 金色自然
----------------------	----------------------	----------------------	----------------------	---	-----	-------------	----------------------	----------------------	----------------------	----------------------	----------------------	----------------------	--	---	------------------	-----------------------------

欽定四庫全書

普濟方



上又用帛三五重上又用竹篾子纏勒緊慢得中約  
二日換上一次再後五日換一次又七日換上一次  
如此無不接者

接骨丹

半夏二兩 南星四兩 木鼈子一兩燒  
紅豆半兩

沒藥 自然銅炒各一兩

右為細末生薑汁四兩同醋打麪糊二錢塗處俾正  
綿裹之溫熱令汗孔開而藥力入

欽定四庫全書

普濟方

接骨傳藥

牛皮膠 生薑自然汁各二十文重

先將生薑自然汁入銚內火頓熱入膠在汁內鎔開  
打令勻如稀糊入沒藥

白芨 白薇 草烏頭 官桂各二十文重

右為細末同入前藥汁內打勻先用葱湯洗患處却  
傳藥用綿帛扎定如覺熱行則藥効

硃砂膏 治癩撲刀傷接骨



<p>臘月豬脂<small>五兩</small> 黃蠟<small>半斤已上洗煎</small> 鈆丹<small>羅</small> 自然銅</p> <p><small>研四兩</small> 蜜陀僧<small>研四兩</small> 硃砂<small>研</small></p>	<p>右用新鑄鼎先鎔脂次下蠟停冷再下蜜陀僧鈆丹硃砂自然銅緩火仍煎入水中不散取出鼎放冷處</p>	<p>用柳篋攪勻瀉入甕器內不住手攪至凝丸如彈子大且用笋皮之類襯之極冷方收 凡傷碎骨者大</p>	<p>石壓碎骨者先用此藥化開然後夾定用此藥服之須作小丸如梧桐子大每服十丸葱酒送下或傷損</p>	<p>欽定四庫全書                  普濟方</p>	<p>深者撚成條子入孔中淺者用油單紙貼之甚者甃裹木夾之如藥方散再覺病痛更一服痛即止又痛甚者貼之即止</p>	<p>赤芍藥丸 治打傷筋骨或閃肭或傷損折疼痛不可忍</p>	<p>芍藥<small>一兩用赤的</small> 好乳香<small>半錢</small> 接骨木<small>半兩乃蒴藿也</small> 川</p> <p>當歸<small>一兩</small> 川芎 自然銅<small>各一兩</small></p>	<p>右為末用黃蠟四兩鎔入前藥末攪令勻候溫軟衆</p>
--	---	---	---	--	---	-------------------------------	---	-----------------------------



<p>手丸龍眼大每服一九以好無灰酒一盞浸開服之                  痛絕便止若大傷碎折先整骨用後藥貼了然後用                  此藥表裏兩攻無不效也此後一方是一副不可分                  開</p> <p>治打破傷損接骨方</p> <p>川烏 草烏 各一兩</p> <p>右為末用薑汁調作掩子貼損處又將綿縛定良</p> <p>黑豆散 治傷疼痛</p>	<p>欽定四庫全書</p> <p>普濟方</p> <p>雄黑豆 一兩                  桑條東枝 一兩                  粟 上三味用醋                  拌醋拌於瓮                  器炒存性</p>	<p>右搗碎為散每服三錢熱酒調連進三服後用八骨                  散</p>	<p>八骨散 治筋骨損折</p>	<p>虎骨 醋炙                  龍骨 研碎                  牛骨                  雞骨 炙                  狗骨 炙</p>	<p>兔骨 炙                  豬骨 炙                  羊骨 炙                  楓脂香 研                  自然</p>	<p>銅 火燒醋淬                  二七次</p>
--	---	--	------------------	---	--	--



右各等分搗研為散每有傷處糝藥在瘡上用黃米  
粥勻攤帛上裹瘡口用帛裹輕繩縛之

接骨散

米殼 一兩去頂 蜜炒黃色 麻黃 兩一 乳香 半一錢 當歸 錢一

半 甘草 芍藥 各三錢半

右為細末酒煎熬至七分和滓溫服病上食後病下

食前

接骨方

欽定四庫全書

普濟方

好綿灰 無油頭髮灰 各一錢 乳香 錢一 木鼈子

去殼去油一錢 麝香 許少 南水蛭 不用糯米於瓦上炒黃為度

右為末作一服好酒下驗病上下服之能飲酒者大

醉亦可只一服不許二服

雞鳴散 治內外癩傷損骨

當歸鬚 赤芍藥 大黃 各五錢 降真 蘇木

甘草 只少許

右咬咀水二盞煎七分去滓食前溫服加小便



<p>治打撲傷損接骨方</p> <p>川烏 草烏 白殭蠶 半夏 南星 桂<small>去粗皮</small></p>	<p>右各等分為末取生薑自然汁并釀醋各半調藥稀稠得所就綿上攤勻裹痛處如乾再將醋并薑汁潤如藥落再換或傷損甚者用藥了以杉木板夾定此藥用後止痛然後服藥</p>	<p>當歸<small>去蘆煨 乾稱</small> 乳香<small>研細</small></p>	<p>右各等分為末每服二三錢酒調下</p>	<p>欽定四庫全書                  普濟方</p>	<p>接骨知母方 治筋骨傷折</p> <p>知母<small>焙</small> 貝母<small>去心</small> 白芨 白薇 桂<small>去粗皮</small> 乳香<small>研各半兩</small></p>	<p>右為細末用好酒調如糊攤藥在新帛子上裹所傷處三五日一換</p>	<p>接骨烏金散</p>	<p>半兩錢<small>一百足 醋淬碎</small> 錦文水蛭<small>半兩炒烟盡 水使不利</small> 南乳</p>	<p>香<small>一錢 另研</small> 麝香<small>一錢</small> 自然銅<small>醋淬研 半兩</small></p>
--	--	--	-----------------------	--	--	-----------------------------------	--------------	---	---



右為細末每服半錢自然汁生薑溫酒少許同服之 如損在腰上食後服之腰下食前服如筋骨無傷藥 即吐出無忌一方有沒藥	烏金散 治骨接	水蛭 一兩 炒黃 自然銅 三兩 碎研內將一兩生用一兩炒 水竹青	半兩 炒灰 硝黃 半兩 二味 同燒灰 乳香 三錢	右為末每服一錢或半錢小兒一字入麝少許熱酒 送下	欽定四庫全書 普濟方	神效點金丹 即筋骨藥	蒼朮 紅麪末 香附子 白芷 草烏 各一兩	右為末水糊為丸如雞頭大每服五丸用酒或茶鹽 送下不可多服恐麻人	接骨服藥	蘇枋 松節 黑角節者 各半兩 自然銅 乾鍋 沒藥	乳香 滴乳香 各一錢	右各細末和勻每服二錢無灰酒下服罷使用刷牙
--	---------	---------------------------------------	--------------------------	----------------------------	---------------	------------	----------------------	-----------------------------------	------	--------------------------	------------	----------------------



子灌漱恐刺若骨損甚者先以木夾定次服藥一服  
止痛二服骨有聲三服完如入白

接骨敷貼藥

出濟生  
拔萃方

天南星

四兩

木鼈子

三兩

沒藥

半兩

官桂

一兩

乳

香

半兩

右為細末生薑一斤去皮取自然汁入米醋少許白

麪為糊同調攤紙上貼傷處以綿繫之用篋子篋住

麻索子纏

欽定四庫全書

普濟方

五仙丸

出聖濟  
摠錄

治傷折筋骨

自然銅

四兩  
火燒  
醋淬二次

大栗

一百枚  
去皮生用

黑豆

一升  
湯浸

去皮

白桑柴灰

二升

接骨木灰

一升

右一處大白內搗一千下取細入煉蜜再搗丸彈子

大每服一丸溫酒嚼下不拘時服

接骨敷貼方

以石楠葉碾為末用大活鯽魚一箇從脊破開去盡

粗骨滿裝楠末於內濕紙裏煨熟去紙將魚帶藥熱



貼於損處用直性木夾定扎縛隨即接之

接骨藥

出儒門  
專親書

半兩錢醋蘸燒  
碎為末 麝香少許 自然銅各一錢

右為極細末如在上食後服如在下食前服三罈頭  
嚼丁香一枚乳香一粒無灰酒一小盞如不折其藥  
反出罷其痛不可忍勿凝待一日如骨未接再服如  
前老者十餘日少者不過五七日

治骨折傷損法方

欽定四庫全書

普濟方

活蝦蟇一箇 活鯽魚一箇 杜牛膝根洗淨 小粉炒焦

黃

右搗爛下小粉和成如泥患處用一層護之後搽前  
藥夾板縛夾定仍服諸藥

定痛一字散

何首烏 草烏各二兩 乳香 沒藥各一兩

右為末每一字鹽酒調日進二服

筋骨藥



草烏 <small>一兩</small>	蒼朮 <small>五兩</small>	青皮	白芷 <small>各二兩</small>
右為末麪糊丸如鷄頭大每服三丸溫酒送下			
走馬散 <small>出醫方大成</small>			
治接骨定痛			
詩曰	<small>青栢乾荷葉 皂角并碎補</small>	<small>此藥最為強 止痛絕為良</small>	
栢葉 <small>生少許</small>	荷葉 <small>生</small>	皂葉 <small>生多用 或肥皂</small>	骨碎補 <small>去毛</small>
右各一兩為末於跌處揣定骨入元以杉木板子量			
大小以紙襯於杉内生薑調藥如糊攤就紙上貼骨			
斷處以繩縛定夾外更以熟絹纏之莫令骨動三日			
欽定四庫全書			
普濟方			
或七日開看以葱湯洗不可令水大熱若無動再貼			
藥復夾七日除七日換藥貼如痛甚加沒藥少許貼			
一方有白及			
接骨禁聲膏			
肉桂 <small>不見火 為末</small>	牛皮膠 <small>截 碎</small>	馬屁勃 <small>擦 末</small>	獨核肥
皂			
右用生薑自然汁添少水煎膠化搗之却入馬屁勃			
肥皂搗為稀膏離火畧溫入桂在內再搗細攤紙上			



須用紙背貼患處不用藥貼痛甚者熱貼微痛者溫	
貼上用油紙包貼外用帛縛第二三日取下刮舊藥	
貼生薑汁熬熱再貼如此二三次平復皮上必有生	
熱瘡用薄荷甘草白及為末調傅	
接骨丹	<small>出衛生家寶方</small>
治筋骨折損	
自然銅	<small>生用別研</small>
川棟子	<small>剉碎</small>
黑牽牛	<small>炒</small>
川烏頭	
<small>生用各等分</small>	
右為末酒糊丸如梧桐子大每服五丸至七丸傷損	
欽定四庫全書	
普濟方	
在上食後服傷損在下食前服日進二服	
敲雞散	
水蛭	<small>半兩炒</small>
麝香	<small>少許</small>
半兩錢	<small>十文醋蘸</small>
自然銅	<small>半兩醋蘸</small>
金色	
右為細末先以湯洗用竹木夾定後復服藥每用半	
字好酒調下多用則吐不受服藥約人行二十里則	
完常以鷄敲折頸骨畧與此藥治隔宿殺雞視之傷	
處如絲繞誠可信矣	



<p>接骨膏</p> <p>烏魚骨 <small>燒烟 盡</small></p> <p>木鼈子 <small>去皮油 一兩</small></p> <p>白芨 <small>錢一</small></p> <p>白薇</p>	<p>一兩</p> <p>右為細末新水調為膏攤夾紙上貼損處上用竹片</p>	<p>夾定內服</p> <p>乳香 <small>酥為度</small></p> <p>沒藥</p> <p>自然銅 <small>各等分</small></p> <p>古老銅 <small>一錢燒赤 醋淬七次</small></p>	<p>右為細末每服二錢溫酒調下</p>	<p>欽定四庫全書</p> <p>普濟方</p>	<p>接骨丹</p> <p>純黃絲 <small>一兩 燒灰</small></p> <p>虎骨 <small>一兩 燒存性</small></p> <p>古銅錢 <small>一兩 火煨 醋淬數十</small></p>	<p>次錢 <small>酥為度</small></p> <p>鼈甲 <small>一兩 燒灰存性</small></p> <p>右為末用淬錢醋煮糊為丸每一兩作二十四丸以</p>	<p>朱砂為衣每服一丸用熱酒嚼下隨病上下服之效</p>	<p>接骨藥</p> <p>吳茱萸 官桂 厨屋內帛 <small>用剪剪下 勿令犯手</small> 芥子</p> <p>右等分為末以六錢煉蜜一兩為丸用生薑四兩搗</p>
--	---------------------------------------	--	---------------------	--------------------------	---	---	-----------------------------	---



汁入無灰酒內化服須一時喫盡若作兩次喫在後  
必成擁節不平服藥後須忌飲酒一月仍以杉木夾  
縛即効

四骨散 治一切折了腿肱膊骨節

龍骨 虎骨 豹骨 穿山甲

右等分入乳香沒藥少許一處為細末用黃米麵糰  
攤在細稀布上藥末糝上先將折處理料的正却  
用藥貼在患處用火烤濕氈一匝又用竹薜四下薜

欽定四庫全書

普濟方

住後用帶子或細索拴牢三五日看有不著處從頭  
再捏遍其藥貼上即時不疼十數日接住一方有乳  
香沒藥

治癩骨折傷方

麻皮 糯米 黑豆 粟子 無粟殼亦得

右等分燒灰為末酒調服效

接骨散 百一選方 治打撲傷損折筋骨出者須要揣接骨

歸元位然後服此藥用半兩古文錢不拘多少以鐵



線貫之用鐵匣盛以炭火煨通紅盪盛好酒米醋各  
半升鐵鈴開匣取錢於酒醋口淬再淬盡去酒醋以  
溫水淘數多尤妙恐火毒不盡令患啞焙乾研極細  
入乳香沒藥水蛭等分同為細末每服半字或一字  
生薑自然汁調藥次用溫酒平服若不傷折即時嘔  
吐若傷折則藥徑下纏繳如金線絲如弓上之力神  
效驗初服忌酒三日一方無水蛭有麝香昔王丞相  
在東府時施此接骨藥極有效驗

欽定四庫全書

普濟方

草烏敷貼藥

草烏 菘豆粉 白膠香

右等分為末煎牛皮膠調藥攤紙上貼痛處

接骨藥

草烏末 一兩  
吳茱萸 一兩  
白麵 二兩

右為末和勻米醋脚調敷損處

沒藥自然銅散

出危氏方

治折骨傷筋痛不可忍

當歸 沒藥

各半錢

自然銅

一錢火煨醋淬為末又用水飛過



右為細末以酒調服仍以手摩痛處衍義云有人養折翅鷹飼以自然銅散遂飛去

神授散

一名接骨散  
一名鈇粉散

當歸

洗淨焙  
為末

鉛粉

各半  
兩

蓬砂

二錢

右研細末令勻濃煎蘇枋汁調服一大匕若損在腰以上先食淡麪半盃然後服藥在腰以下即先服後食仍頻頻呷蘇枋汁別作糯米粥入藥三錢拌勻攤紙上或絹上封裹傷處如骨碎則用竹木夾定損處

欽定四庫全書

普濟方

却以藥傅貼或衣物包之其妙如神內翰之子粹為豫州倉官嘗以治一庾人婁度當下黑血數升而安治跌折手足傅貼方跌傷先服前方神授散次用此方傅貼損處

麪

四兩

天南星

三兩半  
為末

生薑

四兩取  
汁同和

右先將杉木板夾定損處却以藥傅貼外用紗帛包裹內翰之子粹為豫州倉官嘗以治一庾人婁度其妙如神





沒藥 丹砂 研 牛膝 酒浸焙乾羅為末各一兩

右研勻麵糊丸如梧桐子大每服二十九木瓜湯下  
日一服午間服之五日後漸減丸數

烏金石散 治傷折骨

烏金石 穀精草 小地黃

右為細末用好陳醋加菘豆粉少許入銅器內熬成  
稀糊住火入藥末和勻稍添火熬滾隨時攤紙上患  
處貼之候患處覺冷其疼即止內損血不出者以銀

欽定四庫全書

普濟方

杏去殼好酒熱調服

乳香接骨散 治折骨條

肉桂 二兩去粗皮研 乳香 沒藥 為末各一兩

右拌勻用黃米煮稠粥量瘡大小剪紙花子攤粥在  
上然後將藥糝在粥上熱搭在瘡處如脚脛折把脚  
拽直用藥少頃不疼脚癢時以水濕帛子瀝乾裹著  
藥餅子上用熨斗火熨不癢為度

接骨丹



茴香一錢

五靈脂一兩

右為細末另研乳香為細末於極痛處糝上用小黃米黃粥塗了後又用二味藥末糝於上再用帛子裹了用木楔子楔了少壯人二日効老者五六日効

敷貼方

木鼈子七枚去殼研

自然銅末二錢

右用生薑自然汁半盞麵五匙同研熬成膏攤紙上先用杉木節火煨草煎湯傾盆中將損處待熱氣熏

欽定四庫全書

普濟方

候溫洗之然後貼藥上散

神仙立效散 治骨頭內損接骨如神

半兩錢 自然銅各等分

右各用火煨醋淬七次以酥為度去火毒為細末將患所折骨處用軟舊衣片或帶亦得襯裹外用杉木板一寸許活者數片周圍裹了外用帶縛須是實急得所太急則縛住血脈恐藥不行每用一字用生薑自然汁少許調在藥注內或手心內令患人服之即



用無灰酒一盞送下一服定疼二服接骨三服平復  
却更用本類後烏金散調理

治打撲傷損骨折

芥菜子炒一兩 夜合樹即合歡也去粗皮取白皮剉碎炒令黃微黑色四兩

右為細末酒調臨夜服粗渣罨瘡上扎縛定神效越  
州人謂之烏顆樹一方葱白砂糖相等爛研傅之立  
止仍無癢痕

黃蘗散一名白皮膏 治打撲傷損筋骨折及上跌撲疼痛

欽定四庫全書

普濟方

黃蘗一斤 半夏半斤

右為細末每用半兩生薑自然汁調如稀糊以鵝翎  
傅之用紙靨貼如乾再傅折先用絹帛封縛次用杉  
木扎定良久痛止即癢覺熱乃是血活即得筋骨復  
舊輕者三五日即愈重者不過旬月乾頻上薑汁尤  
佳蘇緯光云用全在生薑

接骨方

半兩錢十二文 麝香少許



治癩傷折骨

鼠糞 糯米 炒黃色碾  
細為粉末

右用好醋調為膏以箏箏攤之貼下疼不可忍後即

愈再貼

接骨丹

用頭髮一塊洗淨燒灰乳香好酒調下大効

接骨藥 不問骨節疼痛

用粟米熟鐵陳葱好醋同鉢內炒烟用碗覆之存性

欽定四庫全書

普濟方

外敷貼內喫

卓氏膏 療折跌腕躄

以附子四枚生用去皮切以煉成豬脂一斤以三年

苦酒漬三宿以脂膏煎三上三下膏成欲傅時以木

七摩之或攤貼處日一易亦療卒中風口禁頸項強

又方治癩骨折傷

用蘇枋槌碎常煎服或以童子小便或熱酒調麻皮

灰服之皆良



<p>烏金散 接骨</p>	<p>以黑豆二兩桑柴十根鋪黑豆再同以火燒候桑柴已過取二味灰為末次入麝香少許每服二錢酒調下</p>	<p>白膏子 治接骨</p>	<p>用牡蠣少許為末用糯米粥調塗其上即用杉木板夾即愈</p>	<p>治骨折及墜馬</p>	<p>欽定四庫全書 普濟方</p>	<p>用銅末調酒服之佳</p>	<p>接骨神效一字散</p>	<p>用蚶蚶蟲一名土鼈子一名異名生不拘多少用紙裹放鍋上焙乾為末每服一字好酒調下熱服亦可不可太多</p>	<p>續骨方 一名煨葱方 一名仁存方 兼治腦四肢骨碎及打傷瘀血</p>	<p>不止治指拇并爪甲因傷擘裂</p>	<p>用葱一束布袋盛釜中懸煮熟取出截去根白以葱</p>
---------------	--	----------------	--------------------------------	---------------	-----------------------	-----------------	----------------	---	-------------------------------------	---------------------	-----------------------------



青衆手乘熱擘開內涎就於傷處頻貼以骨接不痛  
為度如骨碎難接用糯米粉熱湯搜和成餅乳香糝  
之加盪上方煨透乘熱搥葱碎貼患處一方炒熱罨  
傷處

### 接骨方

以芷可作草屨者以刀近根割去待其長新生者割  
收之焙乾為末或搗傅之以軟帛扎定効

### 治擷骨折傷方

欽定四庫全書

普濟方

用生韭自然汁服碗許其惡血從大便中下

### 治折骨

用水蛭新瓦上焙乾為細末熱酒調下半錢食頃痛  
可再服痛止便將折骨藥封次以物夾定直候至効  
療凡脫折 折骨諸瘡腫者或當風或多用扇中風發  
瘥口禁頭項強身中急痛者

用竹瀝飲三二升若已口禁者以物發內之忌冷飲  
及酒竹瀝卒燒難得可合束十許枝併燒中央兩頭



承取收之

療骨折 接令如故不限人畜

取古鑄

上柯魯切下母郎切濕器也

銅錯取末擣以絹篩和少酒

服之亦可食物和服之不過兩方寸匕以來任意斟酌之

治四肢碎破及筋傷蹉跌方

用生魚熱擣以敷折上日三易又方生鼈熟搗傅折

上日三易

欽定四庫全書

普濟方

又方

取活鼠破其腹背及熱以傅之愈又去鼠五藏傅之

良一方熟搗以敷折上日三易

凡跌撲傷損骨者

用黃牛角炙焦刮去末須去焦者取二錢以好酒調

下上損食後服下損食前服左傷用左角右傷用右

角此法因同老王千戶在餘干州鎮平以箭射折周

霸都腿即以此藥服之三五次接上完復予目見之



後用果効

接骨方

用豆粉炒將葱白生薑搗爛再同於銚內炒熱敷冷  
則換

跌折肢體并擷撲損傷筋骨折者

以肥皂炒枯為末用旋煮糯米糕同搗為膏子敷貼  
患處以杉木片綁縛仍酒調肥皂末一捻許咽下即  
時接上

欽定四庫全書

普濟方

治傷出腸肚在外不破不傷肚者

以鍼穿桑根白皮縫合其患可痊如無桑白皮用絲  
線縫合亦得也如不入以手剝肋腸自入也

又方

治人頭骨斷不傷氣喉食喉外隨時用物繫住用正  
三二日其骨自接仍隨證以藥治之

治跌骨斷

用白及一味為末酒調服神効又云其功不減自然



銅與五銖錢	接骨丹 治癩撲傷折	錢 <small>五十文炭火煨</small> 醋淬碎半兩 乳香 <small>半兩透</small> 五靈脂 <small>半兩</small>	羊脛骨炭 <small>兩半</small>	右為末每服半錢蜜調成膏以酒化開服之次喫獨	粟三兩箇止可一服次進烏金散	烏金散 傷折接骨如神	桑白皮 <small>一兩</small> 焙剉 獨栗連殼 <small>兩切焙一</small> 自然銅 <small>一兩</small> 煨淬	欽定四庫全書 普濟方	研 羊脛炭 <small>兩二</small>	右為末每服二錢無灰酒調下日三服傷折在上食	後服在下食前服	止痛方	乳香 沒藥 <small>炒鹽</small> 當歸 <small>煨火</small> 紫金皮 <small>炒醋</small> 白芷	劉寄奴 黑牽牛	右等分依前大接骨方煨製傷痛不止者先服此即	止
-------	-----------	--	------------------------	----------------------	---------------	------------	--	---------------	----------------------------	----------------------	---------	-----	--	---------	----------------------	---



又方	麻黃 <small>三兩內去</small> 一兩節 甘草 <small>三錢</small>
補骨脂丸 接骨止痛生肌肉續筋脈	右為末每服五錢匕整骨了熱酒下令醉
補骨脂 <small>炒</small> 乳香 <small>研別</small> 自然銅 <small>燒紅酒</small> 石亭脂	
研別 續斷 浸酒 木鼈 <small>去殼取肉別</small> 烏雄雞 <small>一隻</small>	
皮腸肚內皆不用 烏鼈 <small>一枚割去腸胃如無只</small>	
只取血并骨入藥 使鼈甲代之亦可也	
右件鼈或鼈甲和雞血骨就砧上剝爛令極細烈焙	
欽定四庫全書	普濟方
乾為末料與前藥末等分拌和勻酒煮麵糊為丸如	
梧桐子大每服五十九丸加至一百丸溫酒鹽湯任下	
不拘時候	
又方	
乳香 沒藥 蘇木 川芎 當歸 血竭 赤	
小豆 石南藤 紫金皮 小含笑花葉 白茅	
根	
又縛傅藥	



南星 黃蘗皮 赤小豆

右用薑黃末生薑汁調傳

又方 治骨折

敗龜版

一箇百孔已上不  
妨火煨白為度

生薑

肥大者  
自然汁

右碾龜殼為末入乳香勻用藥末一合浸少時煮粥  
研細入薑汁更研方用前藥兩匙入研勻再於瓦內  
蒸令極熱上骨折處仍先用葱湯洗令骨內熱筋骨  
活絡方可敷之候乾再換三五度即瘥

欽定四庫全書

普濟方

又方

用苧根竹根切片無灰酒一盞整骨了日進三服

又方

用雄蟹殼不拘多少用水蛭去兩頭尖同蟹殼炒焦  
黃盡去水蛭研殼為末熱酒調連盡三服喫白湯  
飢餓一碗不用鹽不問寒暑被蓋取汗為度

又方

用木鼈子肉細磨水調抹之



彭氏黑龍散 治傷損筋骨碎斷差爻每用先洗葱湯
藥水淋洗整拔平正看熱令用薑汁或紙或帛隨大
小裹貼有破留口別用飲藥如骨斷碎斟酌夾縛三
日一次淋洗換藥不可去夾以待骨續如刀箭獸齧
成瘡壞爛擦踐腫痛用薑汁和水調貼有破留口
川山甲 <small>六兩</small> 丁皮 <small>六兩</small> 當歸 <small>二兩</small> 百草霜 枇杷
葉 <small>器用皆一字</small>
右為細末薑汁和水調貼
欽定四庫全書 普濟方
又方
用川烏一箇先將好臘糟入紫油缸內次用糟盪了
蓋定有患取此川烏如梧桐子大用飯三五粒為丸
冷水下糟抹患處
桃紅散 <small>出永類</small> 貼傷折筋骨腫痛
草烏 <small>三箇去皮見</small> 飛羅麪 <small>半斤</small> 國丹 <small>三錢</small> 貝母
<small>兩半</small> 天南星 <small>兩半</small>
右為細末生薑自然汁調貼如作潮熱茶清調貼如



<p>皮破見血者去草烏恐壞皮肉若輕者血聚以蘿蔔                  葉研罨患處帛縛之</p>	<p>治曾脇諸骨傷斷 <small>出永類 鈐方</small></p>	<p>右以黃雲膏木葛蒲炒常紅用內消如腫加生者五                  兩即何首烏白芷生用風加一兩赤芍藥生二兩痛                  亦加土獨活生三兩常用為末溫熱酒調塗</p>	<p>諸損敷貼 <small>出永類 鈐方</small></p>	<p>當歸 <small>三兩</small> 白芷 <small>三兩</small> 肉桂 <small>半兩</small> 薰陸香 沒藥 <small>各一</small></p>	<p>欽定四庫全書 <small>兩</small> 普濟方</p>	<p>右為末薑汁調白芷一味自佳</p>	<p>歐陽氏貼損 <small>出永類 鈐方</small></p>	<p>白芷 赤芍藥 南星 天花粉 木臘葉 牡</p>	<p>丹皮 <small>少許</small></p>	<p>右為末薑汁調貼</p>	<p>彭氏風流散 <small>出永類 鈐方</small></p>	<p>石膏 <small>十筒泥固 濟火煨</small> 白礬 <small>飛二兩</small> 枇杷葉 <small>少許</small> 松脂 黃</p>
---	--	--	---------------------------------------	--	------------------------------------	---------------------	--	----------------------------	-----------------------------	----------------	--	--



<p>丹 各一 兩</p>	<p>右為末傷經以者藥水洗後用瘡乾用油調傳新破              傷忌風濕</p>	<p>治損折骨活血住痛虛弱及經以未安  <small>出永類 鈐方</small></p>	<p>附子 八分  <small>炮</small> 澤蘭 一兩              川椒 去目及第二重  <small>皮炒半兩放冷</small> 甘</p>	<p>草 半兩  <small>兩</small> 當歸 川芎 獨活 各半  <small>兩</small> 白芷 一兩              川</p>	<p>烏 八錢</p>	<p>右為細末細嚼生薑酒調如刀傷不用酒骨斷皮不</p>	<p>欽定四庫全書              普濟方</p>	<p>破加乳沒浸酒調體弱傷損氣痛茴香薑酒調看虛</p>	<p>實每服加少烏末腦上有傷頭痛不止荆芥川芎各</p>	<p>半兩白芷一兩華澄茄二錢為末熱酒調</p>	<p>治傷損筋折骨先用趁痛散止痛  <small>出永類 鈐方</small></p>	<p>川獨活 川五靈脂 別研              乳香 別研              白芷 北茴</p>	<p>香 各一兩              防風 百草霜 沒藥 各半  <small>兩</small> 淨生地</p>	<p>黃 二兩  <small>半</small> 赤芍藥 二兩  <small>兩</small> 杜白芷 三兩  <small>兩</small> 桔梗 草烏</p>
-------------------	---	---	--	--	-------------	-----------------------------	------------------------------------	-----------------------------	-----------------------------	-------------------------	---	--	--	---



接骨續筋住痛生血周心竹傳甚神祕之內加玉真散二	右為末薑汁和酒調婦人風損痺痛煨葱酒調下	草烏 <small>兩製半</small>	荊芥穗 <small>兩各一</small>	桔梗 <small>兩四</small>	川烏	雄黑豆 <small>煮去皮四</small>	芷骨碎補 <small>炒去毛各三兩</small>	五靈脂	肉桂	山桂皮	生地黄	赤芍藥	當歸	石南藤 <small>兩各二</small>	杜白	筋骨散 <small>出永類鈐方</small>	治新舊損除痛壯筋骨	淬曬乾為末	性合了煙令作炭先辦薑汁童便候炭成將入汁內	五月收麻羊糞用茆一層又加糞一層盡意燒之存	右為末每一大錢依前湯使調下燒羊脛骨炭法四	烏 <small>炮</small>	木鼈 <small>去殼并油煨各半兩</small>	虎骨 <small>隨多少醋煮別研</small>	羊脛骨炭 <small>兩各一</small>	白茯苓	骨碎補 <small>去皮各一兩</small>	川	白芍藥 <small>兩二</small>	破故紙 <small>炒一兩</small>	自然銅 <small>淬醋</small>	沒藥 <small>研別</small>	接骨散 <small>出永類鈐方</small>	治諸傷筋折腫痛服之住痛消腫	右為細末每一大錢煨葱頭或炒松節薑酒調下
------------------------	---------------------	-----------------------	------------------------	----------------------	----	-------------------------	----------------------------	-----	----	-----	-----	-----	----	------------------------	----	--------------------------	-----------	-------	----------------------	----------------------	----------------------	--------------------	----------------------------	---------------------------	-------------------------	-----	--------------------------	---	-----------------------	------------------------	-----------------------	----------------------	--------------------------	---------------	---------------------



味又勝諸方 <small>出永類 鈐方</small>	乳香 沒藥 自然銅 <small>醋淬 七次</small>	熟地黄 川羌活 川芎 當歸 防風 南	星 松嫩心 <small>皮去</small> 粉 側柏葉 <small>醋煮加 倍用</small> 草烏 <small>數</small>	<small>製去皮尖痛 加作五七箇</small> 柘木 <small>火中煨存 性作炭</small>	右前藥各等分側柏柘炭加一倍用細末生薑自然	汁調下或蜜丸如彈子大生薑和酒調細嚼之	神效接骨丹 <small>出衛生 寶鑑</small> 治男子婦人老幼筋折骨撲損	欽定四庫全書  普濟方	及治寒濕脚腿疼或一切惡瘡疼痛不止	南乳香 沒藥 南白膠 蜜陀僧 <small>四兩 另研</small> 香白	芷 紅豆 大豆 赤芍藥 當歸 <small>水洗 三適</small> 瓜子	仁 水蛭 <small>已上各 等分</small> 自然銅 <small>火燒過 令通紅 醋淬 紅燒如 銀為度 用之</small>	右為細末黃蠟為丸如彈子大每服一丸用黃米酒	一盞煎開和滓溫服年少者又一服老者加添服病	在上食後病在下食前此藥內自然銅水蛭瓜子加	桂花川練子茴香為細末酒麪為丸如桐子大每服
------------------------------------	---------------------------------------	--------------------	--	--	----------------------	--------------------	---	-------------------	------------------	---	---	---	----------------------	----------------------	----------------------	----------------------



大紅丸 <small>出永類 鈐方</small> 治證同上不問新舊經年諸損傷孕	酒糊丸如菘豆大每服三十九丸酒下	膠香 赤小豆 牛膝 當歸 <small>各製淨 一兩</small> 乳香 <small>二錢</small>	川烏 何首烏 蒼朮 蛇牀子 五靈脂 白	壯筋骨活經絡生氣血	小紅丸 <small>出永類 鈐方</small> 治諸傷勞損踈折筋骨風濕攣拳	骨痛木瓜浸酒黑豆炒烟起浸酒	十九藥加松條節好土珠荆芥桔梗各二兩脚氣入	欽定四庫全書 普濟方	或番降節酒下看損上下服亦可如梧桐子大每三	右為細末糯米糊彈子大國丹為衣每一丸炒松節	石南藤 <small>二兩</small>	當歸 <small>四兩</small> 川獨活 <small>三兩</small> 乳香 白膠 <small>半兩</small> 製生熟地黃 <small>兩</small>	神仙透骨丹 <small>出永類 鈐方</small> 骨斷八分可用此藥	切臍腹疼痛並皆治之此藥功效不可具述	十五酸石榴湯送下食前日進二服治小腸如神一
--	-----------------	---	---------------------	-----------	---	---------------	----------------------	---------------	----------------------	----------------------	--------------------------	---	--	-------------------	----------------------



婦勿服	赤白芍藥 <small>兼用 一斤</small> 何首烏 <small>一斤</small> 川烏頭 <small>一斤七</small>	當歸 <small>七兩</small> 骨碎補 <small>一斤 麥製</small> 牛膝 <small>十兩</small> 淨北細辛	青桑灰 <small>三斤 或不用</small> 赤小豆 <small>二升</small> 自然銅 <small>二兩 醋淬</small>	細末醋丸梧子大信州朱為衣每服二十九丸温酒下	黑神丸 <small>出永類 鈐方</small> 治證同上	白斂 <small>一斤</small> 白及 <small>四兩</small> 當歸 <small>四兩</small> 白芍藥 <small>剉</small> 南星	川烏 <small>三兩</small> 骨碎補 <small>八兩 製</small> 牛膝 <small>九兩</small> 百草霜	欽定四庫全書 普濟方	赤小豆 <small>半兩 一升</small>	右為末醋糊丸如桐子大湯使同上一方加細辛或	白鮮皮	接骨散 <small>出百一 選方</small> 治折傷	黃狗頭骨 <small>一箇 湯去毛便以泥皮 去之炭煨過去泥為末</small> 官桂末 牡	蠣 <small>亦泥固 火煨</small>	右三味各為細末每用狗頭末五錢入牡蠣末三錢	桂末二錢並抄以糯米粥鋪絹帛上糝藥在粥上裹
-----	--	--	--	-----------------------	-----------------------------------	--	--	---------------	--------------------------	----------------------	-----	----------------------------------	--	-------------------------	----------------------	----------------------



損傷處大段折傷者上更以竹片夾之少時即痒不可抓之輕以手拍三兩日效	治四肢骨破及筋傷蹉跌及腕折 <small>出本</small>	以水二升鼓三升漬之攪取汁飲之及止心悶	治腕折骨痛不可忍 <small>出本</small>	用火麻根及葉搗取汁三升飲之非時即煮乾麻汁服亦同主搗打瘀血心腹滿氣短皆効 <small>麻根即今人績布麻種子也</small>	欽定四庫全書 普濟方	療骨 <small>出本</small>	取虎頭為末水服方寸匕	治筋骨疼痛 <small>出本</small>	用馬接脚皮并續筋金稜藤三味洗淨去麤皮焙乾等分搗羅為末温酒調服二錢匕續筋即菑旋根也	普濟方卷三百九
---------------------------------	---------------------------------	--------------------	----------------------------	--	---------------	----------------------	------------	-------------------------	--	---------

